

唐
音
統
籤

丙籤六十杜甫之二十五

唐音統籤卷十一百九

五言律詩十三

曉望白帝城鹽山

徐步移斑杖看山仰白頭
翠深開斷壁紅遠結飛樓
日出清江望暄和散旅愁
春城見松雪始擬進歸舟

王十五前閣會

楚岸收新雨春臺引細風
情人來石上鮮鱸出江中
鄰舍煩書札肩輿強老翁
病身虛俊味何幸飲兒童

憶鄧南珙

鄭南伏毒寺瀟灑到江心
石影銜珠閣泉聲帶玉琴
風杉曾曙倚雲嶠憶春臨
萬里蒼茫水龍蛇只

自深

范一作浪

奉寄李十五秘書文疑二首

避暑雲安縣秋風早下來
暫留魚復浦同過楚王臺
猿鳥千崖窄江湖萬里開
竹枝歌未好盡舸且

通回

竹枝歌已渝之遺
善也惟吟人善唱

且一作旦

其二

行李千金贈衣冠八尺身
飛騰知有策意度不無

神班秩兼通貴公侯出異人玄成負文彩世業豈
沈淪

熱三首

雷霆空霹靂雲雨竟虛無炎赫衣流汗低垂氣不
蘇乞爲寒水玉願作冷秋菰何似兒童歲風涼出
舞雩

其二

瘴雲終不減瀘水復西來開戶人高卧歸林鳥却
迴峽中都似火江上只空雷想見陰宮雪風門颯
沓開

其三

朱李沉不冷雕炊屢新將衰骨盡痛被嚼味空
頻歎翕炎莖景飄飄征伐人十年可解甲爲爾一

霑巾

雀一作雁

晚晴

晚照斜初微浮雲薄未歸江虹明遠飲峽雨落餘
飛鳬鶴終高去熊羆覽自肥秋分客尚在竹露夕

微微

雀一作雁

宿江邊閣

暝色延山徑高齋次水門薄雲巖際宿孤月浪中

翻鵝鵠追飛盡豺狼得食喧不眠憂戰伐無力正
乾坤

白鹽山

卓立羣峰外蟠根積水邊他皆任厚地爾獨近高
天白牕千家邑清秋萬估船詞人取佳句刻畫竟
誰傳

灩澦堆

巨石水中央江寒出水長沈牛答雲雨如馬戒舟
航天意存傾覆神功接混茫干戈連解纜行止憶
垂堂

瞿塘懷古

西南萬壑注勍敵兩崖開地與山根裂江從月窟
來削成當白帝空曲隱陽臺疏鑿功雖美閬釣力
大哉

陪柏中丞觀宴將士二首

極樂三軍士誰知百戰場無私齊綺餅久坐密金
章醉客霑鸚鵡佳人指鳳凰幾時來翠節特地引
紅妝

其二

繡段裝簷額金花帖鼓腰一夫先舞劍百戲後歌

鐫江樹城祚遠雲臺使寂寥漢朝頻選將應拜霍

嫫姚

鐫一作姚

覽鏡呈柏中丞

渭水流關內終南在日邊
膽銷豺虎窟淚入犬羊天
起晚堪從事行遲更覺仙
鏡中衰謝色萬一故人憐

送十五弟侍御使蜀

喜弟文章進添余別興
牽數盃巫峽酒百丈內江
船未息豺狼關空催犬馬
年歸朝多便道搏擊望
秋天

送李功曹之荊州充鄭侍御判官重贈

曾聞宋玉宅每欲到荊州此地生涯晚遙悲水國
秋孤城一柱觀落日九江流使者雖光彩青楓遠

自愁

悲一作通

別崔深因寄薛璩孟雲卿

內弟深赴湖南幕

崔深一作崔暹

志士惜妄動知深難固辭如何久磨礪但取不磷
緇風夜聽憂主飛騰急濟時荊州遇薛孟爲報欲
論詩

巫峽弊廬奉贈侍御四舅別之澧朗

江城秋日落山鬼閉門中行李淹吾舅誅茅問老
翁赤眉猶世亂青眼只逢窮傳語桃源客人今出

處同

日一作月

雨

萬木雲深隱連山雨未開風扉掩不定水鳥過仍
迴蛟館如鳴杼樵舟豈伐枚清涼破炎毒靈意欲
登臺

雨晴

雨時山不改晴罷峽如新天路看殊俗秋江思殺
人有猿揮淚盡無犬附書頻故國愁眉外長歌歎

損神

雨時今作本雨晴看
一作休附一作送

垂白

垂白馮唐老清秋宋玉悲江喧長少睡樓迴獨移
時多難身何補無家病不辭甘從千日醉未許
哀詩

洞房

洞房環珮冷玉殿起秋風秦地應新月龍池滿舊
宮繫舟今夜遠清漏往時同萬里黃山北園陵白
露中

宿昔

宿昔青門裏蓬萊仗數移花驕迎雜樹龍喜出平
池落日留王母微風倚少兒宮中行樂祕少有外
人知青一作東
日一作月

能畫

能畫毛延壽投壺郭舍人每蒙天一笑復似物皆
春政化平如水皇恩斷若神時時用抵戲亦未難
風塵似一作以
雜一作難

鬪鷄

鬪鷄初賜錦舞馬既登牀簾下宮人出樓前御柳
長仙遊終一閱女樂久無香寂寞驪山道清秋草

木黃

歷歷

歷歷開元事分明在眼前無端盜賊起忽已歲時
遷巫峽西江外秦城北斗遑為郎從白首臥病數
秋天

洛陽

洛陽昔陷沒胡馬犯潼關天子初愁思都人慘別
顏清笳去宮闕翠蓋出關山故遠仍流涕龍髯幸
再攀

隴山

驪山絕望幸花萼罷登臨地下無朝燭人間有賜
金鼎胡龍去遠銀海鴈飛深萬歲蓬萊日長懸舊
羽林

提封

提封漢天下萬國尚同心借問懸車守何如儉德
臨時徵俊又入莫慮犬羊侵願戒兵猶火恩如四

海深

莫慮一作草竊

吾宗

衛倉曹崇簡

吾宗老孫子質朴古人風耕鑿安時論衣冠與世
同在家常早起憂國願年豐語及君臣際經書滿

腹中

五言律詩十四之上

第五弟豐獨在江左近三四載寂無消息
覓使寄此二首

亂後嗟吾在羈棲見汝難
草黃騏驎病沙晚鵲鷁
寒楚設關城險吳吞水府
寬十年朝夕淚衣裛不

曾乾

吞一作客
十堂作三

其三

聞汝依山寺杭州定越州
風塵淹別日江漢失清
秋影著啼猿樹鬼飄結
蜃樓明年下春水東盡白

雲求

送田四弟將軍將夔州柏中丞命起居江陵

節度陽城郡王衛公幕

將一作歸一作夔
府送將軍歸江陵

離筵罷多酒起地發寒塘回首中丞座馳牋異姓
王燕辭楓樹日鴈度變城霜空醉山翁酒遙憐似
葛璫

覆舟二首

巫峽盤渦曉黔陽貢物秋丹砂同隕石翠羽共沈
舟羈使空斜影龍宮閼積流篙工幸不溺俄頃逐

輕鷗

宮一作居

其二

竹宮時望拜桂館或求仙姹女凌波日神光照夜
年徒聞斬蛟劍無復巖犀船使者隨秋色迢迢獨
上天

峽口二首

峽口大江間西南控百蠻城歌連粉堞岸斷更青
山開闢當天險防隅一水關亂離聞鼓角秋氣動
衰顏

其二

時清閔失險世亂戰如林去矣英雄事荒哉割據

心蘆花留客晚楓樹坐猿深疲繭頃親故諸侯數

賜金

主人柏中丞
頃分月俸

社日二首

九農成德業百祀發光輝報效神如在馨香舊不
違南翁巴曲醉北鴈塞聲微尚想東方朔詩割
肉歸

其二

陳平亦分肉太史竟論功今日江南老他時渭北
童歡娛看絕塞涕淚落秋風鴛鴦迴金闕誰憐病
峽中

江月

江月光於水，高樓思殺人。
天邊長作客，老去一驚
中。玉露團清影，銀河沒半輪。
誰家桃錦字，燭滅翠

眉顰

團一作溱

孤雁

孤雁不飲啄，飛鳴聲念羣。
誰憐一片影，相失萬重
雲。望盡似猶見，哀多如更聞。
野鴟無意緒，鳴噪自
紛紛。

遣愁

養拙蓬為戶，茫茫何所開。
江通神女館，地隔望鄉

臺漸惜容顏老無由弟妹來
兵戈與人事回首一悲哀

十六夜翫月

舊挹金波爽皆傳玉露秋
關山隨地濶河漢近人
流谷口樵歸唱孤城笛起愁
已童渾不寐半夜有

行舟

寐一作寢

江上

江上日多雨蕭蕭荆楚秋
高風下木葉永夜攬貂裘
勲業頻看鏡行藏獨倚樓
時危思報主衰謝不能休

戲寄崔評事表姪蘇五表弟韋太少府諸姪
隱豹深愁雨潛龍故起雲泥多仍徑曲心醉阻賢
羣恐待江山麗還披鮑謝文高樓憶疎豁秋興坐
氤氲

丙籤六十杜甫之二十六

唐音統籤卷

十一百九

五言律詩十四之下

西閣雨望

樓雨霑雲幔山寒著水城
逕添沙面出湍減石稜
生菊藥淒疎放松林駐
遠情滂沱朱檻濕萬慮倚
簷楹

晚晴吳郎見過北舍

圃畦新雨潤愧子廢鋤來
竹杖交頭拄柴扉隔徑
開欲樓羣鳥亂未去小童催
明日重陽酒相迎自
撥醅

開一作掃
撥一作醅

九日諸人集于林

九日明朝是相要舊俗非老翁難早出賢客幸知
歸舊采黃花賸新梳白髮微謾看年少樂忍淚已
霑衣

秋日寄題鄭監湖上亭三首

碧草違春意沅湘萬里秋池要山簡馬月靜庾公
樓磨滅餘篇翰平生一釣舟高唐寒浪滅髣髴識

昭丘

減一作滅

其二

新作湖邊宅還聞賓客過自須開竹徑誰道避雲

蘿官序藩生拙才名賈誼多捨舟應卜地鄰接意如何

其三

暫住蓬萊閣終爲江海人揮金應物理施玉豈吾身
羹羹秋萼滑杯迎露菊新賦詩分氣象佳句莫

頻頻

住一作阻
滑一作弱

孟冬

殊俗還多事方冬變所爲破井霜落爪嘗稻雪翻
匙巫峽寒都薄烏蠻瘴遠隨終然減灘瀨暫喜息

蛟螭

峽一作岫

悶

瘴癘浮三蜀風雲暗百蠻卷簾唯白水憇几亦青山
猿捷長難見鷗輕故不還無錢從滯客有鏡巧

催顏

難一作相

雷

巫峽中宵動滄江十月雷龍蛇不成蟄天地劃爭迴
却碾空山過深蟠絕壁來何須妬雲雨霹靂楚王臺

朝二首

清旭楚宮南霜空萬嶺含野人時獨往雲水晚相

參俊鵲無聲過
飢鳥下食貪
病身終不動
搖落任江潭

其二

浦帆晨初發
郊扉冷未開
林疎黃葉墜
野靜白鷗來
礎潤休全濕
雲晴欲半迴
巫山冬可怪
昨夜有

奔雷

林一作村

晚

杖藜尋晚巷
炙背近牆暄
人見幽居僻
吾知拙養尊
朝廷問府主
耕稼學山村
歸翼飛樓定
寒燈亦

閉門

西閣夜

恍惚寒山暮，逶迤白霧昏。
山虛風落石，樓靜月侵門。
擊柝可憐子，無衣何處村。
時危關百慮，盜賊爾猶存。

月圓

孤月當樓滿，寒江動夜扉。
委波金不定，照席綺逾依。
未缺空山靜，高懸列宿稀。
故園松桂發，萬里共清輝。

中宵

西閣百尋餘，中宵步綺疏。
飛星過水白，落月動沙

虛擇木知幽鳥潛波想巨魚親朋滿天地兵甲少
來書

不寐

瞿唐夜水黑城內改更籌翳翳月沈霧輝輝星近
樓氣衰其少寐心弱恨容愁多壘滿山谷桃源無
處求

五言律詩十五

鷗

江浦寒鷗戲無他亦自饒却思翻玉羽隨意點春
苗雪暗還須落風生一任飄幾羣滄海上清影日

蕭蕭

落一作浴

猿

裊裊啼虛壁蕭蕭挂冷枝艱難人不免隱見爾如
知慣習元從衆全生或用竒前林騰每及父子莫
相離

黃魚

日見巴東峽黃魚出浪新脂膏兼飼犬長大不容
身筒簫相沿久風雷肯爲神泥沙卷涎沫回首怪

龍鱗

神一作仲

白小

白小羣分命天然二寸魚細微霑水族風俗當園
蔬入肆銀花亂傾箱雪片虛生成猶拾卵盡取義
何如

麋

永與清溪別蒙將玉饌俱無才逐仙隱不敢恨庖
廚亂世輕全物微聲及禍樞衣冠兼盜賊餐餐用
斯須

鸚鵡

鸚鵡含愁思聰明憶別離翠衿渾短盡紅紫謾多
知未有開籠日空殘宿舊枝世人憐復損何用羽

毛奇

雞

紀德名標五初鳴度必三殊方聽有異失次曉無
慙問俗人情似充庖爾輩堪氣交亭育際巫峽漏
司南

寄杜位

頃者與位同在
故莊而書幕

寒日經簷短窮猿失木悲峽中為客恨江上憶君
時天地身何往風塵病敢辭封書兩行淚霑灑裏
新詩

送鮮于萬州遷巴州

京兆先時傑琳琅照一門朝廷偏注意接近與名
藩祖帳維舟數寒江觸石喧看君妙為政他日有
殊恩

西閣三度期大昌嚴明府同宿不到

問子能來宿今疑索故要匣琴虛夜夜手板自朝
朝金吼霜鐘徹花催蠟炬銷早鳧江檻底雙影護
飄飄

玉腕騶

江陵節度
衛公馬也

聞說荆南馬尚書玉腕騶頓驂飄赤汗踟躕顧長
秋三年入乾坤一戰收舉鞭如有問欲伴習

池遊

灤西寒望

水色含羣動朝光切太虛
年侵頻悵望興遠一蕭疎
猿挂時相學鷗行炯自如
瞿唐春欲至定卜灤西居

奉送十七舅下邵桂

絕域三冬暮浮生一病身
感深辭舅氏別後見何人
縹緲蒼梧帝推遷孟母鄰
昏昏阻雲水側望若傷神

送王十六判官

客下荆南盡君今復入舟買薪猶白帝鳴櫓已沙
頭銜霍生春草瀟湘共海浮荒林庾信宅爲仗主
人留已一作少

不離西閣二首

江柳非時發江花冷色頽地偏應有瘴臘近已含
春失學從愚子無家住老身不知西閣意肯別定
留人住一作仕

其二

西閣從人別人今亦故亭江雲飄素練石壁斷空
青滄海先迎日銀河倒列星平生耽勝事吁駭始

初經

謁真諦寺禪師

蘭若山高處煙霞嶂幾重
凍泉依細石晴雪落長松
問法看詩妄觀身向酒慵
未能割妻子卜宅近前峯

入宅三首

奔峭背赤甲斷崖當白鹽
客居媿遷次春酒漸多添
花亞欲移竹鳥窺新卷簾
衰年不敢恨勝槩欲相兼

酒一作色

其二

亂後居難定春歸客未還水生魚復浦雲暖麝香
山半頂梳頭白過眉拄杖斑相看多使者一一問
函關

其三

宋玉歸州宅雲通白帝城吾人淹老病旅食豈才
名峽口風常急江流氣不平只應與兒子飄轉任
浮生

熟食日示宗文宗武

消渴遊江漢羈棲尚甲兵幾年逢熟食萬里逼清
明松柏邛山路風花白帝城汝曹催我老回首淚

縱橫

印一作印
花一作光

又示兩兒

令節成吾老他時見汝心
浮生看物變爲恨與年
深長舊書難得江州涕不禁
團圓思弟妹行坐白
頭吟

晴二首

久雨巫山暗新晴錦綉文
碧知湖外草紅見海東
雲竟日鶯相和摩霄鵬數羣
野花乾更落風處急
紛紛

其二

啼鳥爭引子鳴鵲不歸林下食遭泥去高飛恨久
陰雨聲衝塞盡日氣射江深迴首周南客驅馳魏
闕心

雨

始賀天休雨還嗟地出雷驟看浮峽過密作渡江
來牛馬行無色蛟龍鬪不開干戈盛陰氣未必自
陽臺

卜居

歸羨遼東鶴吟同楚執珪未成遊碧海著處覓丹
梯雲障寬江北春耕破漲西桃紅客若至定似昔

人迷

障一作嶂
甘一作哥

暮春題灤西新賃草屋五首

久嗟三峽客再與暮春期
百舌欲無語繁花能幾時
谷虛雲氣薄波亂日華遲
戰伐何由定哀傷不在茲

其二

北郊千樹橘不見比封君
養拙干戈際全生麋鹿羣
畏人江北草旅食灤西雲
萬里巴渝曲三年實

飽聞

郊一作邦

其三

綵雲陰復白錦樹曉來青身世數蓬鬢乾坤一草
亭哀歌時自短醉舞為誰醒細雨荷鋤立江猿吟
翠屏

其四

壯年學書劍他日委泥沙事主非無祿浮生即有
涯高齋依藥餌絕域改春華喪亂丹心破王臣未
一家

依一作休

其五

欲陳濟世策已老尚書郎不息豺虎關空慙駕鶴
行時危人事急風逆羽毛傷落日悲江漢中宵淚

蒲牀

丙籤六十杜甫之二十七

唐晉統籤卷十一百九

五言律詩十六

得舍弟觀書自中都已達江陵今茲暮春月
未合行李到夔州悲喜相兼團圓可待賦詩
即事情見乎辭

爾到江陵府何時到峽州
龍離生有別聚集病應
瘳颯颯開啼眼朝朝上水樓
老身須付託白骨更
何憂

喜觀即到後題短篇二首

巫峽千山暗終南萬里春
病中吾見弟書到汝爲

人竟答兒童問來經戰伐新泊船悲喜後款款話
歸秦

其二

待爾嘖烏鵲拋書示鵲鴿枝間喜不去原上急曾
經江閣嫌津柳風帆數驛亭應論十年事愁絕始
星星

懷灞上遊

悵望東陵道平生灞上遊春濃停野驕夜宿散雲
樓離別人誰在經過老自休眼前千古意江漢一
歸舟

月

萬里瞿唐月春來六上弦時時開暗室故故滿青

天爽合風襟靜當空淚臉懸南飛有烏鵲夜久落

江邊

常空一作高堂

豎子至

槎梨纔綴碧梅杏半傳黃小子幽園至輕籠熱奈

香山風猶滿把野露及新嘗秋枕江湖客提攜日

月長

纔一作且秋
一作欲寄

園

仲夏流多水清晨向小園碧溪搖艇瀾朱果爛枝

屏音紛
繁始爲江山靜終防市井喧哇蔬繞茅屋自足媿
盤餐

歸

東帝還騎馬東西却渡船林中纔有地峽外絕無
天虛白高人靜喧卑俗累牽他鄉閱遲暮不敢廢
詩篇

舍弟觀歸藍田迎新婦送示二首

汝去迎妻子高秋念却迴即今螢已亂好與鴈同
來東望西江永南遊北戶開卜居期靜處會有故
人杯

其二

楚塞難爲路
藍田莫滯留
衣裳判白露
鞍馬信清秋
滿峽重江水
開帆八月舟
此時同一醉
應在仲宣樓

夜雨

小雨夜復密
迴風吹早秋
野涼侵閉戶
江滿帶維舟
通籍恨多病
爲郎忝薄遊
天寒出巫峽
醉別仲宣樓

更題

只應踏初雪
騎馬發荊州
直怕巫山雨
真傷白帝

秋羣公蒼玉佩天子翠雲裘同舍晨趨侍胡馬淹

此留應一作因

峽隘

聞說江陵府雲沙靜眇然白魚如切玉朱橘不論

錢水有遠湖樹人今何處船青山各在眼却望峽

中天

月

新續巫山雨天河此夜新若無青嶂月愁殺白頭

人飄飄移深樹殿跡動半輪故園當北斗直想照

西秦深一作多
想一作指

草閣

草閣臨無地，柴扉永不關。
魚龍迴夜水，屋月動秋山。
夕露晴初濕，高雲薄未還。
汎舟愁小婦，飄泊損紅顏。

紅顏

一作清

月

併照巫山出，新窺楚水清。
羈棲愁裏見，二十四迴明。
必驗升沉體，如知進退情。
不違銀漢落，亦伴玉繩橫。

十七夜對月

秋月仍圓夜，江村獨老身。
捲簾還照客，倚杖更隨

人光射潛虹動明翻宿鳥頻茅齋倚橘柚清切露
華新

白露

白露團圞子清晨散馬蹄團圞連石樹船渡入江
溪憑几看魚樂迴鞭急鳥棲漸知秋實美幽徑恐
多溪

孟氏

孟氏好兄弟養親唯小園承顏胝手足坐客強盤
餐負米夕葵外讀書秋樹根卜鄰慙近舍訓子覺

先門

夕一作力
覺一作學

秋峽

江濤萬古峽肺氣久衰翁不寐防巴虎
金生狎楚童衣裳垂素髮門巷落丹楓
常怪商山老兼存翊贊功

日暮

牛羊下來久各已閉柴門風月自清夜
江山非故園石泉流暗壁草露滴秋原
頭白燈明裏何須花燼繁

久一作夕
原一作根

月

四更山吐月殘夜水明樓塵匣元開鏡
風簾自上

鈎兔應疑鶴髮蟾亦戀貂裘斟酌端城寡天寒奈
九秋

曉望

白帝更聲盡陽臺曉色分高峰寒上日疊嶺宿靈
雲地坼江帆隱天清水葉聞荆扉對麋鹿應共爾
爲羣

九月一日過孟十二倉曹十四主簿兄弟

藜杖侵寒露蓬門啟曙煙力稀經樹歇老困撥書
眠秋覺追隨盡來因孝友偏清談見滋味爾輩可
忘年

過客相尋

窮老真無事江山已定居地幽忘盥栉客至罷琴
書挂壁移筐果呼兒問煮魚時聞繫舟楫及此問
吾廬

孟倉曹步趾領酒醬二物滿器見遺老夫
楚岫通秋屐牀面夕畦簪糟分汁滓甕醬落提
攜飯糲添香味朋來有醉泥理生那免俗方法報
山妻

課小豎鋤所舍北果林枝蔓荒穢淨訖移牀
三首

厚音續集
病枕依茅棟荒鋤淨果林背堂資僻遠在野興清
深山雉防求敵江猿應獨吟滅雲高不去隱几亦
無心

其二

衆壑生寒早長林卷霧齊青蟲懸就日朱果落封
泥薄俗防人面全身學馬蹄吟詩坐迴首隨意葛
巾低

其三

籬弱門何向沙塵岬只摧日斜魚更食客散鳥還
來寒水光難定秋山響易哀天涯稍曛黑倚杖更

徘徊

溪上

峽內淹留客，溪邊四五家。
古苔生近地，秋竹隱疎花。
塞俗人無井，山田飯有沙。
西江使船至，時復問

京華

茗一作茗

五言律詩十七

中夜

中夜江山靜，危樓望北辰。
長爲萬里客，有愧百年身。
故國風雲氣，高堂戰伐塵。
胡雛負恩澤，嗟爾太平人。

搖落

搖落巫山暮寒江東北流煙塵多戰鼓風浪少行
舟鵝賞羲之墨貂餘季子裘長懷報明主卧病復
高秋

九日二首

舊日重陽日傳杯不放杯即今蓬鬢改但媿菊花
開北闕心長戀西江首獨回茱萸賜朝士難得一
枝來

其二

舊與蘓司業兼隨鄭廣文采花香泛泛坐客醉紛

紛野樹歌還倚秋砧醒却開歡娛兩冥漢西北有

孤雲

歌一作歌
漢一作案

李秋江村

喬木村墟古疎籬野蔓懸素琴將暇日白首望霜
天登俎黃耳重走牀錦石圓遠遊雖寂寞難見此
山川

李秋蘿五弟纓江樓夜宴崔十三評事韋少
府埕三首

峽險江驚急樓高月迴明一時今夕會萬里故鄉
情星落黃姑渚秋辭白帝城老人因酒病堅坐看

君傾

其二

明月生長好浮雲薄漸遮悠悠照邊塞悄悄憶京華
清動杯中物高隨海上查不眠瞻白兔百過落

烏紗

遠一作遠

其三

對月那無酒登樓況有江聽歌驚白鬢笑舞拓秋
窓構鐵添相續沙鷗泣一雙盡憐君醉倒更覺片
心降

送孟十二倉曹赴東京選

君行別老親此去苦家貧藻鏡留連客江山憔悴
人秋風楚竹冷夜雪鞏梅春朝夕高堂念應宜綵
服新

憑孟倉曹將書覓土婁舊莊

平居喪亂後不到洛陽岑
爲歷雲山問無辭荆棘
深北風黃葉下南浦白
頭吟十載江湖客茫茫
遲暮心

丙籤六十杜甫之二十八

唐音統籤卷十一百九

五言律詩十八

耳聾

生年鵬冠子歎世鹿皮翁
眼復幾時暗耳從前月
聾猿鳴秋淚缺雀噪晚
愁空黃落驚山樹呼兒問
朔風

小園

由來巫峽水本自楚人家
客病留因藥春深買爲
花秋庭風落果灑岼雨顏
沙間俗營寒事將詩待
物華

夜

絕岬風威動寒房燭影微
嶺猿霜外宿江鳥夜深
飛獨坐親雄劍哀歌歎
短衣煙塵繞閭闔白首壯
心違

奉送韋中丞之晉赴湖南

寵渥徵黃漸權宜借冠
頻湖南安背水峽內憶行
春王室仍多故蒼生倚大
臣還將徐孺榻處處待
高人

送惠二歸故居

今本作聞惠子過東溪

惠子白驢瘦歸谿唯病身
皇天無老眼空谷滯斯

人崖密松花熟山杯竹葉春柴門子生事黃綺未
稱臣

自濃西荆扉且移居東屯茅屋四首

白鹽危嶠北赤甲古城東平地一川穩高山四面
同煙霜淒野日抗稻熟天風人事傷蓬轉吾將守
桂叢

其二

東屯復瀼西一種住青溪來往皆茅屋淹留爲稻
畦市喧宜近利西居近市易巽爲近利市三林僻
此無蹊若訪衰翁語涇令賸客迷皆一作兼

其三

道北馮者使高齋見一川子能渠細石吾亦沼清
泉枕帶還相似柴荆卽有焉斫畬應費日解纜不
知年

其四

牢落西江外參差北戶間久遊巴子國臥病楚人
山幽獨移佳境清深隔遠關寒空見鴛鴦回首想
朝班

題柏大兄第山居壁屋二首

叔父朱門貴卽君王樹高山居精典籍文雅涉風

騷江漢終吾老
雲林得爾曹
哀絃繞白雪
未與俗人操

其二

野屋流寒水
山籬帶白雲
靜應連虎穴
喧已去人羣
筆架霑窓雨
書籤映隙曛
蕭蕭千里馬
箇箇五花文

東北北庵

盜賊浮生困誅求
異俗貧空村
唯見鳥落日
未逢人步聲
風吹面看松
露滴身遠山
回白首戰地有黃塵

夜二首

向夜月休弦燈花半委眠號山無定鹿落樹有驚
蟬暫憶江東鱸兼懷雪下船蠻歌犯星夜重覺在
天邊向一作白星
夜一作星起

其二

城郭悲笳暮村墟過翼稀甲兵年數久賦歛夜深
歸暗樹依巖落明河繞塞微斗斜人更望月細鵲
休飛

茅堂檢校收稻二首

香稻三秋末平田百頃閒喜無多屋宇幸不礙雲

山御袂侵寒氣嘗新破旅顏紅鮮終日有玉粒吾
未慳

其二

稻米炊能白秋葵黃復新誰云滑易飽老藉軟俱
勻種幸房州熟苗同伊闕春無勞映渠盃自有色
如銀

秋野五首

秋野日疏蕪寒江動碧虛繫舟蠻井絡卜宅楚村
墟棗熟從人打葵荒欲自鋤盤餐老夫食分減及
溪魚

其二

易識浮生理難教一物違
水深魚極樂林茂鳥知
歸吾老甘貧病榮華有
是非秋風吹几杖不厭北
山薇

其三

禮樂攻吾短山林引興長
掉頭紗帽側曝背竹書
光風落收松子天寒割
蜜房稀疎小紅翠駐履
近微香

其四

遠岼秋沙白連山晚照紅
潛鱗輸駭浪歸翼會高

風砧響家家發樵聲箇箇同飛霜任青女賜被隔
南宮

其五

身許麒麟畫年衰鴛鴦羣大江秋易盛空峽夜多
聞遙隱千重石帆留一片雲兒童解蠻語不必作
參軍

秋清

高秋蘇肺氣白髮自能梳藥餌憎加減門庭悶掃
除杖藜還客拜愛竹遣兒書十月江平穩輕舟進
所如

瞿唐兩岸

三峽傳何處雙崖壯此門入天猶石色穿水忽雲
根猿攫鬚髯古蛟龍窟宅尊羲和冬馭近愁畏日
車翻

瞿

日下四山陰山庭嵐氣侵牛羊歸徑險焉雀聚枝
深正枕當星劍收書動玉琴半扉開燭影欲掩見
清砧

一作林

雲

龍以瞿唐會江依白帝深終年常起峽每夜必通

林收穫辭霜渚分明在夕岑高齋非一處秀氣豁

煩襟

夜一作宿

晨雨

小雨晨光內初來葉上聞霧交纔灑地風折旋隨

雲暫起染荆色輕澗爲數羣麝香山一半亭午未

全分

荆一作門

獨坐二首

竟日雨冥冥雙崖洗更青水花寒落岸山鳥暮過

庭煖老須燕玉充饑憶楚萍
筇在樓上哀怨不

堪聽

其二

白狗斜臨北黃牛更在東峽雲常照夜江日會兼
風曬藥安垂老應門試小童亦知行不逮若恨耳

多聾

北一作谷

雨四首

微雨不滑道斷雲疎復行紫崖奔處黑白鳥去邊
明秋日新霽影寒江舊落聲染扉臨野碓半濕搗
香杭

其二

江雨舊無時天晴忽散絲暮秋霑物冷今日過雲

遲上馬迴休出看鷗坐不辭高軒當灩澦潤色靜
書帷

其三

物色歲時晏天隅人未歸朔風鳴淅淅寒雨下霏
霏多病久加飯衰容新授衣時危覺凋喪故舊短
書稀

其四

楚雨石苔滋京華消息遲山寒青兕叫江晚白鷗
飢神女花鈿落陂人織杼悲繁憂不自整終日灑
如絲

反照

反照開巫峽寒空半有無
已低魚復暗不盡白鹽
孤荻岸如秋水松門似畫圖
牛羊識童僕既夕應

傳呼

荻一作荻

向夕

畎畝孤城外江村亂水中
深山催短景喬木易高
風鶴下雲汀近難栖草屋同
琴書散明燭長夜始
堪終

大歷二年九月三十日

爲客無時了悲秋向夕終
瘴餘夔子國霜薄楚王

宮草敵虛嵐翠花禁冷藥紅年年小搖落不與故園同

十一月一日

有瘴非全歇爲冬亦不難夜郎溪日暖白帝峽風寒
蒸裏如千室焦糖幸一拌茲晨南國重舊俗自相歡

戲作排諧體遣悶二首

異俗吁可怪斯人難竝居家家養烏鬼頓頓食黃魚
舊識難爲態新知已暗疎治生且耕鑿只有不關渠

其二

西歷青羗坂南留白帝城於菟侵客恨秬秠作人
情瓦卜傳神語畬田費火聲是非何處定高枕笑
浮生頃歲自秦涉隴從同谷縣出遊蜀留滯於巫山也
從驛次草堂復至東屯二首

峽裏歸田客江邊借馬騎非尋戴安道似向習家
池山陰風煙合天寒橘柚垂築場看飲犢一學楚
人爲合一作僻

其二

短景難高臥衰年強此身山家蒸栗暖野飯射麋

新世路知交薄門庭畏客顏牧童斯在眼田父實
爲鄰

暫往白帝復還東屯

往一作佳

復作歸田去猶殘獲稻功築場憐冗蟻拾穗許村
童落杵光輝白除芒子粒紅加餐可扶老倉廩慰
飄蓬

刈稻了詠懷

稻獲空雲水川平對石門寒風疎草木旭日散雞
豚野哭初聞戰樵歌稍出村無家問消息作客信

乾坤

地一作曉

有歎傳蜀官軍
自圓晉逆

壯心久零落白首寄人間天下兵常闕江東客未
還窮猿號雨雪老馬望關山武德開元際蒼生豈

重攀

望一作
怯

白帝城樓

江度寒山閣城高絕塞樓翠屏宜晚對白谷會深
遊急急能鳴雁輕輕不下鷗夷陵春色起漸擬放
扁舟

夜宿西閣曉呈元二十一曹長

城暗更籌急樓高雨雪微稍通綃幕霽遠帶玉繩

稀門鵲晨光起
樞烏宿處非寒江
流甚細有意待人歸

西閣口號呈元二十一

山木抱雲稠
寒江繞上頭
雲崖纔變石
風慢不依樓
社稷堪流涕
安危在運籌
看君話王室
感動幾

銷憂

江一作空

奉送卿二翁執節度鎮軍還江陵

火旗還錦纜
白馬出江城
嘹唳鳴笳發
蕭條別浦清
寒空巫峽曙
落日渭陽情
留滯嗟囊疾
何時見

息兵

鳴吟本

白帝樓

漠漠虛無裏連連睥睨侵樓光去日遠峽影入江
深臘破思端綺春歸待一金去年梅柳意還欲攬
邊心

人日

元日到人日未有不陰時冰雪駕難至春寒花較
遲雲隨白水落風振紫山悲蓬鬢稀疎久無勞比
素絲久一作火

江梅

梅藥臘前破梅花年後多絕知春意早最奈客愁

何雪樹元同色江風亦自波故園不可見巫岫鬱

嵯峨

元一作能

庭草

楚草經寒碧庭春入眼濃舊低收葉舉新掩捲牙
重步履宜輕過開筵得屢供看花隨節序不敢強
為容